

JASPER, natakot sa sama-samang paniningil ng mga magsasaka, nagpasweldo

Ang JASPER ay kumpanyang namamahala sa plantasyon ng kamoteng kahoy sa Botolan at San Marcelino sa Zambales at sa Floridablanca sa Pampanga.

Matagal nang problema ng mga arawan, bantay, opereytor at empleyado ng JASPER sa San Marcelino, Zambales ang laging nahuhuli o kulang na sweldo. Lalo silang nawalan ng pag-asa nang pansamantalang itigil ng kumpanya ang operasyon. Buti na lang at nariryan ang kanilang hukbo. Napagkaisa ang mga trabahador na sama-samang maningil sa isang takdang petsa upang makaani ang kumpanya at ibigay ang kanilang lehitimong kahilingan. Naging matunog at usap-usapan ang kampanyang ito. Kaya hindi pa man dumarating ang takdang petsa, naobligang magpasweldo ang kumpanya. Tagumpay na naman ang masang anakpawis!



Mga magsasakang katutubo, nagkaisa para bawiin ang kinamkam na lupang ninuno

Noong una, problema lamang ito ng isang pamilya na magsasakang katutubo. Pinagbawalan sila ng isang pamilya na nangangamkam ng lupa na maggasak at manguha ng puso sa lupang minana pa nila sa kanilang ninuno. Pinagbabayad pa sila ng 50 sentimos sa kada putol ng buho na ibinababa nila mula sa sariling lupain. Ito ay tahasang hindi pagkilala sa karapatan ng mga katutubo sa lupa at pagmamaliit sa kanilang kakayahan na

ipaglaban ang karapatan.

Sa mahabang panahon, ang naturang pamilyang katutubo ay umasa sa tulong at awa ng NGO at National Council for Indigenous People (NCIP) para mabawi ang lupang kinamkam mula sa kanila. Ang katwiran nila, wala silang kakayahang lumaban dahil maliit lang sila at malaki ang katunggali.

Ang ganitong pasibong pananaw ay nagbago mula ng dumating sa lugar nila ang NPA.

Natutunan nila ang kanilang mga karapatan at kung paano ito matatamasa, lalo na sa usapin ng lupang ninuno. Naitayo sa hanay nila ang Pambansang Katipunan ng mga Magbubukid, ang organisasyon ng uring magsasaka. Mula dito, kolektibo nilang hinarap ang problema ng naturang pamilya. Napagkaisahan nilang ilaban ang lupa, bawiin ang lupang ninuno sa pamamagitan ng kilusang masa!

Sumunod na araw ay makikita ang mga katutubong tulung-tulong na nililinis ang lupang kinamkam. Sama-sama din silang namutol ng buho at iniwi sa kanya-kanyang bahay.

Walang nagawa ang mangangamkam ng lupa, maging nang bakuran ito ng mga katutubo ng sumunod na mga araw.

Sa ipinakitang pagkakaisa at militansya ng mga katutubo, natutong kumatok sa kanilang pintuan ang mangangamkam ng lupa at makiusap. Di lang sila nagkaroon ng lakas na loob na ilaban ang lupang katutubo, higit sa lahat, naitayo nila ang dangal ng uring magsasaka, ang dangal ng mga katutubo.

Ang kanilang aping kalagayan ang nagturo sa kanila na tahakin ang landas ng rebolusyon at pakamamahalin ang kanilang hukbo. *H*

Itigil ang importasyon ng bigas at ipaglaban ang makatarungang presyo ng palay at bigas!

Binatikos ng Kilusang Magbubukid ng Pilipinas (KMP) at ng Alyansa ng Magbubukid ng Gitnang Luzon (AMGL) ang rehimeng Macapagal-Arroyo sa kanyang patakarang liberalisasyon sa kalakalan ng bigas at sa patuloy na importasyon nito na siyang nagpapabagsak sa presyo ng palay.

Ang pagtuligsang ito ay umaani ng malawak na suporta ng mamamayan kahit sa hanay ng mga retailers ng bigas. Nagpahayag ang may 100,000 myembrong Grains Retailers Confederation sa pamamagitan ng presidente nitong si Edelyn Alpuente Loo, na “Ang patakarang liberalisasyon ng bigas ay wawasak sa lokal na pamilihan at magreresulta sa mahinang produktibidad.”

Batay sa pahayag ng AMGL, ang pag-aangkat ng bigas ay pagsunod sa dikta ng imperyalismong US at kapakanan ng mga naghaharing uri na sila ring kumontrol sa kartel ng bigas. Sa partikular, idinidikta ng International Monetary Fund-World Bank sa pamamagitan ng General Agreements on Tariff ang Trade-World Trade Organization (GATT-WTO) ang patuloy na importasyon ng bigas.

Mula nang sumapi ang Pilipinas sa GATT noong 1996, ibinukas na nang todo ang bansa natin sa mga dayuhang produkto tulad ng bigas, poultry at meat products nang walang taripa. Alinsunod sa GATT-WTO, pumasok ang guberno ng Pilipinas sa AFTA (Asean Free Trade Area) at APEC (Asia Pacific Economic Cooperation) kung saan idinidikta dito ang todo-todong pag-aangkat ng Pilipinas ng pagkain na naglalagay sa peligro ng ating lokal na produksyon, at nag-eeksport

tayo ng pagkain na naglalagay naman sa peligro ng ating lokal na suplay.

Sa taong ito, nakatakdang umangkat ang NFA ng 1.14 milyong metriko toneladang (MT) bigas mula sa Vietnam, Thailand, Pakistan at India at panibagong 800,000 MT naman sa unang kwarto ng susunod na taon. Pagtalima ito ng rehimeng Arroyo sa itinakdang minimum na bolyum (minimum access volume o MAV) ng bigas na dapat angkatin sa loob ng isang taon. Sa ilalim ng kasunduan sa GATT-WTO, taun-taong tumataas ang itinatakdang MAV. Pero lampas pa rito ang inaangkat ng gubyrerno.

Mas masahol pa ang sasapitin ng mga magsasaka kapag napatupad na ang pagsasapribado ng National Food Authority (NFA) at pag nahalinhan ang Retail Trade Nationalization Act (RA 1180) ng Retail Trade Liberalization Act (TRLA) na maglilimita sa pagtitingi ng mga Pilipino ng bigas at mais, at pagpapapasok naman ng mga dayuhang retailers. Sa RA 1180, ipinagbabawal sa mga

dayuhan ang pagtitingi ng bigas.

Sadyang walang plano ang kasalukuyang rehimen na dagdagan pa ang binibiling bigas ng NFA sa mga magsasaka. Kaya naman minomonopolyo ng mga pribadong negosyante at kartel ang pamimili ng palay at pagbebenta ng bigas.

Tinukoy ni Rafael Mariano, tagapangulo ng KMP, na ang importasyon ng bigas at walang patumanggang smuggling nito ang dahilan ng pagbagsak ng presyo ng palay sa “nakakainsulto at di-makatarungang presyo na P4.50 kada kilo”.

>>>



Pagpupugay kay Ka Rod Flores, lider-magsasaka

Isang luksang parangal ang inialay ng Alyansa ng Magbubukid sa Gitnang Luzon (AMGL) at Kilusang Magbubukid ng Pilipinas (KMP) kay Ka Rod Flores nitong Oktubre 22 bilang pagpupugay sa kanyang malaking kontribusyon sa pagsusulong ng hayag at ligal na kilusang magbubukid sa rehiyon at sa buong bansa. Umabot ng halos isang libo ang dumalo sa parangal na kinabilangan ng mga kapamilya, kababayan at mga kasapi at kinatawan ng AMGL, KMP at iba pang mga progresibong organisasyon sa rehiyon.

Si Ka Rod, 52, may asawa at apat na anak, ay kasalukuyang tagapangulo ng AMGL at kagawad ng Pambansang Konseho ng KMP nang siya'y namatay sa isang aksidente sa sasakyan nitong Oktubre 17 sa Aurora. Kagagaling lang niya noon sa isang forum kung saan siya'y naging panauhing tagapagsalita. Nasawi siya sa kasagsagan ng pagsusulong ng kampanya ng KMP at AMGL laban sa importasyon ng bigas at panawagan para sa pagpapataas ng presyo ng palay at pagpapababa ng presyo ng bigas.

Bilang lider-magsasaka, naging halimbawa siya ng kasipagan, pagiging simple at mapagpakumbaba – mga katangiang kinalakhan niya bilang isang anak ng maralitang magsasaka sa Brgy. Bagong Barrio, Guimba, Nueva Ecija. Kahit napakarami niyang gawain bilang lider-magsasaka, aktwal pa rin siyang nagsasaka ng kaniyang kapisang lupa, at gumagampan ng tungkulin bilang kagawad ng kanilang barangay council.

Bago namulat, si Ka Rod ay naging sundalo ng Philippine Army. Bilang private na kawal, aktwal niyang naranasang makipaglaban sa mga Muslim noong kasagsagan ng todong panggegera ng rehimeng Marcos sa mga mamamayang Muslim ng Mindanao. Minsan sa isang pagdalaw/pagbabakasyon niya sa kanyang pamilya, naugnayan siya ng mga kasamang Hukbo sa kanilang baryo. Matapos nito, nagpasya siyang mag-AWOL sa army at di naglao'y naging organisador na siya sa hanay ng mga kabataan at kinalauna'y ng mga magsasaka.

Pagsapit ng 1991 hanggang 1993, naging tagapangulo si Ka Rod ng AMGL-Nueva Ecija. At mula 2000, naging tagapangulo siya ng AMGL hanggang sa oras ng kanyang kamatayan. Namatay siyang naglilingkod sa kauri niyang magsasaka at sa sambayanan.

Para kay Ka Rod, ang pakikibaka ng mga magsasaka ay hindi tumitigil sa paglulunsad ng kampanya sa pagtataas ng presyo ng palay. Malinaw sa kanya na para maitaas ang kalidad ng pamumuhay ng mga maralitang magsasaka, kailangang maipatupad ang tunay na reporma sa lupa at batid niyang makakamit lamang ito kapag nabago na ang malapyudal at malakolonyal na katangian ng bansa. Kaya sa kanyang mga talumpati noong nabubuhay pa siya, lagi niyang sinasabi na ang pakikibaka ng mga magsasaka ay pambansang pakikibaka para palayain ang bansa sa dominasyon ng mga dayuhan partikular ng imperyalismong US. *H*

<<<

Samantala, mariing ipinanawagan ng mga magsasaka sa guberno sa pamamagitan ng NFA na itaas nang 100% ang halaga ng presyo ng palay mula sa presyong P7.50 kada kilo. Ito ay para madagdagan kahit kaunti ang napakabababang kita ng mga magsasaka dulot ng patuloy na tumataas na gastos sa produksyon.

Nanawagan din ang AMGL sa NFA na bilhin ang 90% ng aning palay ng mga magsasaka sa bansa para maiwasan ang napakataas na presyo ng bigas na idinidikta ng malalaking komersyante. Sa kasalukuyan, sampung porsyento lamang ng ani ng mga magsasaka ang nabibili ng NFA sa halagang P8.00/kilo.

Batay kay Rod Flores, tagapangulo ng AMGL, tiyak na may sapat na pondo ang guberno para bilhin ang 90% ani ng mga magsasaka sa halagang P15/kilo kung gagamitin nito ang P1.18 bilyon bawat taon na nakalaan para sa pasahod at pag-upa sa mga rolling store na Tindahan ni Gloria Labandera na nagbebenta ng angkat na bigas. “Ang pondong yaon ay dapat na sumuporta sa lokal na produksyon ng palay halip na gamitin sa pag-angkat ng bigas,” ayon pa kay Ka Rod.

“Malinaw na ang patakaran ng liberalisasyon sa kalakalan ng bigas ng administrasyong Arroyo ang pangunahing salarin sa suliraning ito ng mga magsasaka,” dagdag pa ni Ka Rod. *H*



Taktikal na opensiba, tugon ng BHB-Pampanga sa 'Todong Digma' ng rehimeng US-Arroyo

TATLONG magkakasunod na taktikal na opensiba ang matagumpay na inilunsad ng Bagong Hukbong Bayan (BHB) sa Pampanga bilang tugon sa 'kontra-rebolusyonaryong todong digma' ng rehimeng Macapagal-Arroyo. Tugon din ito sa matagal nang kahilingan ng masa na bigwasan ang teroristang AFP at Rebolusyonaryong Hukbong Bayan (RHB).

Inambus ng isang yunit ng BHB ang pinagsanib na intelligence network ng 703rd IB at PNP na lulan ng isang owner-type jeep nitong Agosto 31 sa San Jose,

Engkwentro sa hangganan ng Bataan at Pampanga

5 patay, isa sugatan sa kaaway

MAAGAP at nakauna ng putok ang nakahimpil na yunit ng BHB habang palapit sa pwesto nila ang mahigit dalawang platung pwersa ng pinagsanib na 69th IB at 24th IB bago mag- alas otso ng umaga noong Setyembre 11 sa Sitio Sapang Bayabas, Brgy Mauacat, Floridablanca, Pampanga. Napatay sa naturang labanan ang limang kaaway at nasugatan ang isang MSgt de Guzman ng 69th IB. Ligtas namang nakaatras ang mga kasama nang walang pinsala.

Matapos ang laban, nangurakot sa bahay ng masa ang tropa ng militar. Kinuha nila ang isang portable generator na gamit sa pag-isprey sa manggahan, mga gawang bahay na baril na ginagamit sa pangangaso at karaoke. Sinira pa nila ang iba pang mga kasangkapan sa bahay.

Ang tropang nakalaban ng BHB ay pinamumunuan nina Captain Leones ng 24th IB at Lt Escantilla ng 69th IB. Bahagi sila ng mahigit isang batalyong sundalo na nag-clearing operation sa mabundok ng hangganan ng Bataan at Pampanga bilang paghahanda sa inilunsad na Talon Vision-02 o magkasanib na operasyon ng tropang Amerikano at AFP nitong Oktubre 15-26. *H*

Lubao. Dalawang kaaway ang namatay at lima pa ang sugatan.

Nitong Agosto 30, tinambangan at dinurog ng mga Pulang Mandirigma ng BHB ang isang pangkat ng bandidong RHB sa kontrol ng ilog sa San Patricio, Mexico. Ang naturang ambus ay pangatlo na sa serye ng mga matatagumpay na taktikal na opensiba ng mga kasama laban sa RHB sa taong ito – una'y ang ambus sa isang pangkat ng mga bandido noong Pebrero 14 sa San Agustin, Mexico; at ang ikalawa'y ang pagtambang sa isa pang grupo ng RHB sa spillway ng Sto. Rosario, Mexico.

Nito namang Agosto 16, kinubkob ng isang yunit ng BHB ang lima-kataong Recon-Force Team ng 69th IB na naniniktik at nananakot ng masa sa Sitio Laabak, Cauayan, Mexico. Napatay sa reySASgt. Jovencio Vidal at Fernando Castro, intelligence officer, at malubhang nasugatan ang iba pa. Nasamsam dito ng mga kasama ang isang M-14 riple, isang M-16 riple at isang .9mm kalibreng pistola.

Ayon sa pahayag ng Partido Komunista ng Pilipinas sa at BHB sa Pampanga, "ang naturang mga taktikal na opensiba ay pawang sa mga lehitimong target-militar lamang nakatuon tulad ng AFP, PNP at bandidong RHB at wala isaa mang sibilyang nadamay. Ito'y pagpapatunay na ang Partido, ang BHB at ang Pambansa Demokratikong Prente (NDF) ay pawang mga lehitimong rebolusyonaryong organisasyon at hindi mga terorista".

Idiniin din sa pahayag na "ang mga taktikal na opensiba BHB ay nagpapatunay sa kahandaan at determinasyon ng buong rebolusyonaryong killusan at ng malawak na masa na labanan at biguin ang todong gyerang patakaran ng rehimeng US-Arroyo. Nagsisilbi rin itong mahalagang sangkap sa paghahanda ng buong rebolusyonaryong kilusan at ng malawak na masa sa nakaambang gyerang agresyon ng imperyalistang US". *H*

Tangkang ambus ng bandidong RHB, binigo ng BHB sa Bataan

Napatay ang anim na tauhan ng bandidong “Rebolusyonaryong Hukbong Bayan” (RHB) sa Calaguiman, Samal, Bataan bandang alas-10 ng gabi nitong Oktubre 17. Nasorpresa at nadikitan ng yunit ng Bagong Hukbong Bayan ang pangkat ng mga bandido na nakaposisyong ambus.

Palabas ng baryo mula sa pagdaraos ng pulong masa, natunugan ng yunit ng BHB ang planong ambus sa kanila ng RHB kaya kagyat nilang binago ang ruta. Sa halip na sumakay sa bangka, tinunton ng mga kasama ang pilapil ng palaisdaan kaya’t natumbok at nadikitan nila ang 15 kataong pangkat ng bandido na nakaabang sa pagdaan ng mga kasama sa ilog.

Umabot ng mahigit 20 minuto ang naganap na labanan. Kumaripas ng takbo ang mga bandidong di tinamaan sa unang bugso ng putukan at naiwan ang kanilang mga kasamahang sugatan at patay.

Kinabukasan, binalikan ng mga tauhan ng RHB ang lugar at tinangkang muling sindakin ang masa. Matatag silang hinarap ng mga masa at tahasang idineklara na kailanman ay hindi sila makapapanig sa mga bandido at patuloy nilang tatangkilikin ang CPP-NPA sa lugar. Pahayag ng masa, “Mga walang laban lamang ang kinakaya-kaya n’yo!”

Naghahasik ng sindak at pamiminsala sa masa ng Bataan ang RHB. Bilang paramilitar ng reaksyunaryong guberno, hinahadlangan nila ang pagkilos ng BHB sa lugar. Tinatakot nila ang masa para pigilan sa pagsuporta at pagtangkilik sa rebolusyonaryong kilusan. Ilan sa mga krimen ng RHB sa Bataan ang pagpaslang sa mga walang labang masa na sina: Wilfredo Pili ng Bayan, Orani; Peping Gonzales ng Calaguiman, Samal; Apolinario Ganzon ng Mabatang, Abucay; Jimmy Sangalain ng Wawa, Abucay at sina Beloy at Julat ng Samal. *H*

Pulis, dinisarmahan ng BHB

ISANG pulis ang dinisarmahan ng isang tim ng Bagong Hukbong Bayan (BHB) habang lulan ng pampasaherong dyip sa kahabaan ng Brgy. Polo, San Rafael, Bulacan nitong Setyembre 1 ng umaga.

Ang pulis ay nakilalang si PO2 Alberto Velez. Nakumpiska sa kanya ang isang M-14 riple. *H*

Engkwentro ng 56th IB at BHB: 3 sundalo, patay



TATLONG sundalo ang namatay nang makasagupa ng isang platun ng 56th Infantry Brigade ng Philippine Army (56 IB-PA) ang isang iskwad ng Bagong Hukbong Bayan (BHB) noong madaling-araw ng Setyembre 30 sa San Ildefonso, Bulacan.

Dehado man sa bilang, naging bentahe para sa mga Pulang Mandirigma ang pagkagamay sa tereyn upang ipagkait sa kaaway ang inisyatiba ng laban. Ligtas na nakalayo ang mga gerilya sa pinangyarihan ng laban. *H*

Ari-arian ng Meyor ng Botolan, sinunog ng BHB

SA TULONG ng mamamayan, matagumpay na naigawad ng isang yunit ng Bagong Hukbong Basyan (BHB) ang aksyong pamarusa sa mga ari-arian ni Meyor Roger Yap ng Botolan, Zambales nitong Setyembre 25 ng hatinggabi.

Sinunog ng mga kasama ang buldoser, bako[^] (back hoe), loader, crasher o gilingan ng bato, at isang renegade na sasakyan ng alkalde bilang kaparusahan sa mga kasalanan niya sa mamamayan ng Zambales at sa rebolusyonaryong kilusan.

Si Meyor Yap ay inirereklamo ng mga mamamayan ng Zambales sa pagbabawal nito sa pagluluwas ng mga katutubo ng kanilang produkto tulad ng puso ng saging, kamote, ampalaya, pakwan at uling. Maging ang pagbebenta ng dahon ng banaba ay kinokotongan pa ng mga tauhan ng meyor.

Bilang isang pinakamalaking kontraktor ng Capas Road, pananagutan ni Meyor Yap ang pagbibigay ng napakababang pasahod na P50.00 kada tao sa isang araw at wala pang benepisyo sa mga manggagawa, gayundin ang di pagbabayad ng karampatang buwis sa rebolusyonaryong kilusan.

Responsible rin siya sa direktang pagpapadala ng isang platun ng Philippine Army noong Hulyo 19, 2002 upang atakehin ang mga kasama. *H*

Himpilan ng 306th PMG sa Bulacan, sinalakay ng BHB

MATAGUMPAY na nilusob ng mga operatiba ng Bagong Hukbong Bayan (BHB) ang himpilan ng 306th Provincial Mobile Group (PMG) nitong Setyembre 30 ng gabi sa Brgy. Sampaloc, San Rafael, Bulacan. Dalawang ang kumpirmadong namatay na sundalo at tinatayang apat na iba pa ang malubhang nasugatan.

Kampanteng nagsusugal sa kanilang pwesto, ang mga sundalo ay nadikitan ng halos tatlong metro ng mga Pulang Mandirigmang lulan ng isang sasakyan. Sa pagkabigla, hindi na nagawa pang makalaban ng kaaway.

Ayon sa pahayag ng Komiteng Larangang Gerilya ng Silangang Bulacan, ang paglusob ay bilang paggawad ng rebolusyonaryong hustisya sa lahat ng mga biktima ng paglabag sa karapatang-tao at bilang babala sa mga sagadsaring kontra-rebolusyonaryo.

Ang PMG na pinamumunuan ni Col. Fernando Villanueva, ang tinagurian ng masa na 'berdugo ng Bulacan', ay matagal nang inirereklamo ng mga mamamayan dahil sa kanilang mga pang-aabuso, karahasan at pamiminsala sa mga sibilyan. *H*

Milyong Halaga ng Quarry Equipment sa Angat, Sinunog ng BHB

Iginawad ng Bagong Hukbong Bayan (BHB) ang hakbang pamarusa sa mapaminsalang sand quarry sa Brgy. Niugan, Angat, Bulacan nitong Setyembre 25. Tinatayang milyong halaga ng mga kagamitang pang-quarry ang nasunog at nawasak.

Ayon sa pahayag ng Komiteng Larangan ng Silangang Bulacan, sina Mayor Narding de Leon, Nilo Santos, Vice-Mayor Cornelio Junio at iba pang mga matataas na opisyaes ng bayan ang pangunahing namumuhunan at kumita ng limpak-limpak sa mapaminsalang negosyo ito. Buong kataksilan nilang ginamit ang kanilang pusisyon sa gubyrno upang ikutan ang iba't ibang batas na nagbabawal sa pag-quarry at kinutsaba ang mga taga-PENRO-DENR, PNP at AFP. Gayundin, walang kahihiyan nilang ipinangalandakan sa mamamayan na ang kanilang mapanirang negosyo ay may pahintulot ng rebolusyonaryong kilusan.

Goons ng Payumo at Ayala sa Bataan, dinisarmahan ng BHB

Tatlong shotgun at isang kalibre .45 pistola ang kinumpiska ng BHB mula sa mga armadong goons ng mga panginooong maylupang (PML) Payumo at Ayala sa Barangay Culis, Hermosa, Bataan nitong Oktubre. Isinagawa ang pagkumpiska bilang tugon sa kahilingan ng mamamayan sa lugar upang mapahinto ang paninindak at pang-aabuso ng mga bayarang matong ito.

Itinalaga ng nabanggit na mga PML sa lugar ang mga gwardiyang ito upang bantayan ang 480 ektaryang lupaing kanyang inangkin mula sa mga pinalayas na mga magsasaka. Sinisira nila ang pananim ng mga masa na hindi nagpatakot at naggiit na manatili sa lugar, pinipinsala ang mga hayop, winawasak ang mga bakod, binubunot ang mga pananim, at ipinagbabawal pati ang pagdaan ng masa sa lugar. Lahat nang ito'y ginagawa nila upang pigilin ang paghahangad ng mga pinalayas na magsasaka na makabalik sa kanilang mga lupa at angkinin pa ang lupa ng mga magsasaka na naggiit na manatili.

Ang 480 ektaryang lupain ay lupang publiko na matagal nang pinusisyon ng mga magsasaka at sapilitang inangkin nina Payumo at Ayala sa pamamagitan ng pananakot at pambabarat. Minaniobra rin nila na maialis sa saklaw ng reaksiyunaryong reporma sa lupa ang lupain at idineklara ito para sa kumbersyon sa industriyal at recreational park. Sa ngayon, tinatamnan ng tubo ang ilang bahagi samantalang natiwangwang ang kalakhan ng lupa matapos mabigo sa pagdebelop dito bilang *real estate*. *H*

Ikinagalak ng mamamayan ng Angat ang hakbang pamarusa ng BHB. Nabigyan ng hustisya ang maraming inosenteng buhay na naibuwis sa ilog at ang maraming nawasak na kabuhayan. Dapat lamang na tuluy-tuloy na magmatyag at magbantay ang mamamayan sa pagbabalik ng mga gahamang negosyante-pulitiko, ayon pa sa pahayag. *H*